

**BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO-NERETVANSKA ŽUPANIJA
GRAD MOSTAR
Gradonačelnik**

Broj:02-11-17254 /25
Mostar, 04.11.2025. godine

Temeljem Zakona o mladima FBiH („Službene novine Federacije BiH” broj: 36/10), članka 43. Statuta Grada Mostara („Gradski službeni glasnik Grada Mostara“, broj: 4/04, „Službeni glasnik Grada Mostara“, broj: 8/09 i 15/10), Proračuna Grada Mostara za 2025. godinu („Službeni glasnik Grada Mostara“, broj: 7/25) i Pravilnika o dodjeli sredstava za mobilnost mladih Grada Mostara („Službeni glasnik Grada Mostara“, broj: 22/25) gradonačelnik Grada Mostara raspisuje,

**JAVNI POZIV
za dodjelu sredstava za mobilnost mladih Grad Mostara za 2025. godinu**

I.

Objavljuje se Javni poziv o dodjeli sredstava za mobilnost mladih Grada Mostara za 2025. godinu sa planiranim sredstvima u iznosu od 3.000,00 (tritisuće) KM.

PRAVO PRIJAVE MOGU OSTVARITI

Pravo na dodjelu sredstava mogu ostvariti učenici i studenti koji se nalaze na redovnom školovanju u osnovnim, srednjim i visokoškolskim ustanovama i nezaposlene mlade osobe koje su članovi, aktivisti ili volonteri omladinskih i drugih udruga, uz ispunjavanje sljedećih uslova:

- a) imaju prebivalište na području Grada Mostara, duže od tri (3) godine prije podnošenja zahtjeva za dodjelu sredstava,
- b) starosne dobi između 15 i 30 godina.

II.

NAČIN DODJELE NOVČANIH SREDSTAVA

Novčana sredstva za mobilnost mladih dodjeljivat će se za financiranje troškova putovanja (troškovi goriva, autobuske, avionske ili druge putne karte), kotizacije, boravka (smještaj i hrana) i vize za odlazak pojedinaca na razne edukacije, radionice, seminare i treninge, konferencije, konvencije, kongrese, takmičenja, na stručna usavršavanja i slične skupove.

Iznos sredstava koji se može dodijeliti u jednoj godini za jednu mladu osobu iznosi:

- a) do 300,00 KM za troškove unutar Bosne i Hercegovine;
- b) do 500,00 KM za troškove u zemljama regiona (Hrvatska, Srbija, Slovenija, Sjeverna Makedonija, Albanija, Kosovo i Crna Gora);
- c) do 700,00 KM za troškove u ostalim nepomenutim zemljama.

Za aktivnosti koje se održavaju u Hercegovačko-neretvanskoj županiji, Grad će financirati samo troškove kotizacije i prijevoza (putne karte).

III.

Financijskim sredstva za mobilnost mladih neće se finansirati troškovi učešća i putovanja na stranačke treninge, konferencije i kampanje, niti bilo koje aktivnosti u i van Bosne i Hercegovine, a koje organizuju domaće i inostrane političke stranke ili druge organizacije.

IV.

POTREBNA DOKUMENTACIJA

Podnosioci zahtjeva na Javni poziv obavezni su dostaviti sljedeće dokumente (original ili ovjerene kopije):

- a) CIPS prijavu o mjestu prebivališta (ne stariju od 6 mjeseci),
- b) Motivaciono pismo za učešće u aktivnosti,
- c) Potvrdu/odobrenje o učešću u aktivnostima iz članka 2. ovog Pravilnika, u kojoj je navedeno da organizator ne snosi troškove navedene u članku 5. ovog Pravilnika,
- d) Potvrdu o redovnom školovanju za učenike i studente,
- e) Uvjerenje Službe za zapošljavanje za nezaposlene,
- f) Dokaz o ostvarenim rezultatima na županiskom, federalnom, državnom i međunarodnom takmičenju (ako se sredstva dodjeljuju za odlazak na takmičenja),
- g) Potvrdu ili drugi dokaz o angažmanu u organizaciji/udruge (ukoliko postoji),
- h) Potvrda o bankovnom računu.

V.

Javni poziv će biti objavljen na web stranici Grada Mostara, www.mostar.ba sa pratećom dokumentacijom i ostaje otvoren tokom cijele 2025. godine, odnosno do utroška sredstava planiranih za ovu namjenu.

Zahtjev sa dokumentima se podnosi Službi za odgoj, obrazovanje, mlade i sport Grada Mostara, preporučeno putem pošte ili direktno putem pisarnice Grada Mostara, na adresu Adema Buća br.19, Mostar:

sa naznakom „Prijava po Javnom pozivu za dodjelu sredstava za mobilnost mladih Grada Mostara za 2025. godinu“.

VI.

Zahtjev se podnosi najmanje petnaest dana prije odlaska na aktivnost koja se financira i može se aplicirati samo jednom u toku kalendarske godine, osim u izuzetnim slučajevima kada je drugi zahtjev opravdan, a sredstva nisu utrošena.

Sve dodatne informacije zainteresovani mogu dobiti u Službi za odgoj, obrazovanje, mlade i sport, Ulica Kralja Tvrtka bb (raniji Đački dom), putem telefona broj: 036/337-909 ili email: mladi.nvo@mostar.ba.



Dostaviti:

- Sekretarijatu/Tajništvu Gradonačelnika – za objavu
- Odjelu za organizaciju, pravne poslove, opću upravu, civilnu zaštitu i vatrogastvo - za Oglasnu ploču
- Odjelu za društvene djelatnosti
- A/a